

25-jähriges Jubiläum



Schnitzelbank

4-stimmig

1. Fimfezwanzig Jahr sin umme,
Syt er 's erschtmol uns hän gseh,
Syt mer 's erschtmol an der Fasnacht
Sin ko singe 's A. B. C.
Trotz de fimfezwanzig Jahr
Sim-mer allewyl no do!
In der lange Zyt hän mänge
Ochs am Sail mer abegloh.

2. Wenn e-n-Oberscht us em Waadtland
Sich im Hotel wäsche tuet
Ohni Hemd und ohni Hose,
Sott er sy uff syner Huet.
Denn e-n-Oberscht fidleblutt
Mues e kaibe-n-Ablick sy!
Uffigregt het's e keische Josef
Im e Zimmer vis-à-vis.

3. Bluemekorso! Gopferdeckel!
Alles scheen wohi me litz;
Das hän d'Gärtner undsowyer
Wieder suber aneghitz.
Wenn als nur der Maitterli
Liessti syni Händ dervo;
Denn e Stund lang an der Sunne
Het da alles prägle loh.

4. D'Amazone, zwor us Bronze,
Aber doch e wieschti Mätz,
Wird spaziere gfiert per Fuehrwerk
Und probiert uff alle Platz.
Sin sie alli dāwäg gsi,
Die wo d'Sag verzellt dervo,
So bigryft-me, dass e kaimi
Jemols het e Ma bikoh.

5. Am Santjakobsfescht, do git's als
Zwaiezwanzig Praldeschitz;
s'letscht Jahr isch's by fimfe ~~blöbe~~
D'Schuld dra syg die grossi Hitz;
Denn die soll de Kanonier
Wiescht in Maschtdarm gschlage ha,
Sodass sie, statt der Kanone,
Sällmol hän der «Schiesser» gha.

6. Uff em Märtplatz hän die Wyber,
Wies so vorkunnt, mängmol Not;
Doch das kimmeret kai Teifel
Unsre ganze Grosse Rot.
D'Brinne zwor, die laufe-n-ab,
Und me bruucht kai Bāse z'nāh;
Wenn sie aber Kaktus pflanze,
Kennt's e Mordsplantage gāh.

7. Rechts mues bald uff alle Trottoir
Hit der simpli Burger goh,
Dass me ka die Schieberkäre
Fein dur d'Strosse stinke loh.
Reklamiersch — potz nundedie! —
Stichsch nur in e Wäschpenäscht;
Schlesslig kriege d'Sohlegänger
Aifach alli Husarräscht.

8. s'Freilain Mortis us em Küchli
Miech bygoscht e Todesprung
Uff em Märtplatz, und am „Globus“
Wartet mit Bigaischterung
Unsre-n-Esel „Publikum“;
Wo's het lang gnuet gwartet gha,
Zaigt me-n-em — o Judeschwindel! —
Nur e-n-Usverkeiffi a.

9. Kum isch d'Elefantehitte
Z'Dornach usse abebrennt,
Mues e-n-andri Kischte-n-ane,
Himmelhergottsackerment!
Tropfstaifelse, Totekopf,
Nachtstuehl? s' kunnt kai Teifel drus.
Vilicht gābt's fir der Zoologisch
E vergressret Affehus.

10. Allewyl no Winkelriede
Häm-mer, ihri Zahl isch gross;
Heldemietig hän sie gfochte
Kirzlig an der Falknerstross.
Ihre Hauptma selber het
Sie ins Schlachtgitimmel ghert;
Yo sym Sieg het er im Sterne,
Scho de morge frieh blagert.

Carolini, durre Teifel,

Gohsch uff'e Vogelfänge-n-us,

Hol der dyni Junge Schnäppli

Hit grad us em Waisehus.

Fir der Schnyder Morgerot

Joch by Pall e brundero Schläck;

Denn bekenntlig wānt e jedi

Sau sich heillos gāre im Druck.